

erste / von mancherley Arth vnd Geschlecht / von den Rahmen/
Nuzen/ vnd der Nothwendigkeit der Sonnvhren.

Das ander Capitel.

Was vor Instrument vnd Berckzeug man zu verfertigung der Sonnvhren von nöhten.



In Sonnvhren/ wie die erfahrung bezeuget/
werden auff mancherley weise bereydet vnd verfertiget/
der eine machts also/ der ander also: Der eine macht sie
stracks an die Wandt oder an den bestimbten Ort / der
ander reißt sie zu forderst auff Papier/ oder andere Materie/ darvon
sie dan forderst an die Wandt/ oder an den Ort/ daran man sie haben
wil / getragen werden: Inmassen dann alle die Sonnvhren / so ich
hiebevör im ersten Fundament beschrieben / so ich auch ditzmal in
diesem andern Fundament beschreiben werde / auff diese letzte Ma-
nier / nemlich zu forderst auff Papier gerissen vnd verfertiget / dar-
nach an den bestimbten Ort gebracht werden. Wil sie aber jemand
alsbald an eine Wandt oder Mauer auffreissen / stelle ich einem
jeden zu seinem gutdüncken: Man verfertige aber nun die Sonn-
vhren wie man wolle / so kan dasselbige ohne gewisse Instrument
vnd Berckzeug nicht geschehen. Dahero dann auch ich im ersten
Cap. meines ersten Fundaments/ vor allen dingen derowegen Erin-
nerung gethan / vnd darbeneben beschrieben / mit was für Instru-
menten vnd Berckzeug ein jeglicher / so auff die von mir beschrie-
bene Arth vnd Manier Sonnvhren zu machen / sich befleißigen
wil/ gefast seyn soll / als nemlich/ mit vnderschiedlicher Arth / ganz
wol zugespizten / vnd sonsten stat vnd williggehenden Circeln / mit
vnderschiedlichen grossen vnd kleinen stracken Linialein / mit reinen
scharpff